

Tuan Sa'dun, Ketua
Perikatan Pemuda UMNO seluruh
Malaya dan A. Setiausaha Agung
UMNO seluruh Malaya telah
memberi ucapan menyatakan bahawa
mereka meminta supaya akhbar-akhbar

memberi kritiknya kepada UMNO supaya UMNO dapat membetulkan
salahnya dan dapat mengetahui kehendak-kehendak rakyat. Qalam telah
mengkritik perjalanan UMNO dan langkah-langkah Yang di-Pertuan
khasnya di dalam ruangan ini, yang bersabit dengan perkara-perkara
yang diucapkan oleh mereka itu-yakni yang mengenai hal
ehwal yang berkenaan dengan am, tidak mengenai sahsiah
ketua-ketua mereka itu. Malang Qalam yang mengkritik itu telah
dituduh mengusik sahsiah pemimpin-pemimpin mereka itu padahal
sepanjang ang telah sudah tidak satu pun perkara sahsiah
itu disebut. Sebenarnya kalau mahu disebut ada banyak dan ada
peluangnya tetapi saya pandang tidak berfaedah! Dalam pada
itu kalau perkara am tentu tidak lepas. Jadi kerana
perkaranya kerap kali pahit maka mereka tidak puas hati
lalu main bakar- “*ilafāshīsah*” kata orang-orang sekarang.

Sekarang orang-orang tua UMNO itu minta teguran-apa
macam? Sudah tegur dirasa pahit terus marah-marah! Adakah
teguran-teguran yang dikehendaki itu bertujuan “Inggih
sahaja?” Wallāhu a‘lam! Kalau ini, saya barang kali
tidak akan menegur lagi perjalanan UMNO yang
mengambil langkah cara “Fasis” itu terhadap Qalam,
sekiranya perbuatan dan langkah-langkah yang dijalankan oleh UMNO
itu tidak mengenai orang Melayu. Inilah menjadikan orang
“mengkritik” dan tiap-tiap seorang itu tahu bahawa
lazim kritik itu pahit-macam kopi pahit!

Perkara murtad sekarang telah ramai disiarkan. Siapa
murtad dan apa itu murtad? Inilah pertanyaan-pertanyaan yang timbul.
Orang-orang Islam kalau dibilang murtad sahaja dengan serta merta
mengerti apa maksudnya dan apa tujuannya-maksudnya
sudah terang iaitu orang-orang yang menyekutuka Tuhan, yang
menafikan adanya Tuhan, yang tidak percaya kepada al-Quran



KOPI PAHIT

diturunkan Tuhan, tidak
percaya kepada ayat-ayat dan
kandungan al-Quran. Juga
faham-faham Fasis itu pun terang
tidak mengakui adanya Tuhan
dan hukumnya suden tentu murtad!

Oleh itu hendaklah tiap-tiap kita khasnya pemuda-pemuda, menjauhkan
diri daripada golongan-golongan yang membawa dan mendakyahkan faham
murtad itu supaya terselamat kita daripada menjadi murtad!

Kerajaan Najīb di Mesir telah mengisytiharkan menegah
seorang lelaki berkahwin lebih dari satu-siapa
muah kahwin lebih daripad asatu hendaklah mendapat izin khas
daripada kerajaannya. Mendengar itu Nyonya Syirin Pozda dari
Perikatan Perempuan yang menuntut supaya menghapuskan kahwin
lebih daripada satu itu, berkakok! Apakah pada sangkanya
hukuman di Mesir itu bermakna Najīb menghapuskan kahwin
empat? Jawabnya sudah terang bahawa Najīb meluluskan kahwin
lebih dairpada satu tetapi bersyarat dengan syarat-syarat yang
dikehendaki-yang demikian harus sesuai dengan hukum-hukum
syarak sebab kebanyakan orang-orang kita khasnya tentang kahwin
selalu mengambil “Sunnah Nabi”-tentang lain tidak ambil
endah-ringkasnya semata-mata mengikut kamhuan.

Tuntutan Nyonyasyirin Pozra itu adalah tuntutan yang mengenai
hal-hal yang di luar daripada hukum-hukum Islam. Kerana bawaannya
menyalahi hukum-hukum Islam kerana datangnya harus daripada
orang-orang yang diiktiraf bukan daripada Islam.

Pembawa anasir-anasir komunis sebenarnya masih berjalan di dalam
negeri ini, Caranya sekarang, berhubung dengan darurat. Tentulah
dengan cara yang halus, dan berhati-hati mereka memasukkan
masyarakat dengan berbagai-bagai cara dan kaedah: memasukkan bersama-sama
di dalamnya anasir-anasir komunis yang jahat itu ke dalam jiwa
orang-orang kita supaya kita sentiasa berperasaan dari satu
ke satu masa tidak berpuas hati ke atas semua perkara walau
susu dihisapkan di mulut kita! Yang baik bagi mereka ialah
negara Moscow yang dipuja-pujanya-selain daripada itu buruk belaka
adakah hal-hal yang merbahaya ini dibiarkan sahaja oleh pemerintah dengan
keadaan begitu-tidak dihalusi dan tidak disapu bersih
anasir-anasir itu daripada tanah air kita?-Cemeti al-Farouk